



## საქართველოს გარემოს დაცვისა და სოფლის მეურნეობის მინისტრი

N 11721/01  
10/12/2020

11721-01-2-202012101711



საქართველოს პარლამენტის თავმჯდომარეს  
ბატონ არჩილ თალაკვაძეს

ბატონო არჩილ,

„საქართველოს ზოგადი ადმინისტრაციული კოდექსის“ 49-ე მუხლის შესაბამისად, წარმოგიდგენთ საქართველოს გარემოს დაცვისა და სოფლის მეურნეობის სამინისტროს 2020 წლის ანგარიშს „საქართველოს ზოგადი ადმინისტრაციული კოდექსის“ ინფორმაციის თავისუფლების თავით გათვალისწინებული მოთხოვნების შესრულების თაობაზე.

საქართველოს გარემოს დაცვისა და სოფლის მეურნეობის მინისტრის 2018 წლის 19 მარტის #2-164 ბრძანების საფუძველზე, საქართველოს გარემოს დაცვისა და სოფლის მეურნეობის სამინისტროს საჯარო ინფორმაციის გაცემასა და ინფორმაციის პროაქტიულად გამოქვეყნებაზე პასუხისმგებელ პირად განისაზღვრა სტრატეგიული კომუნიკაციის დეპარტამენტის პირველადი სტრუქტურული ერთეულის ხელმძღვანელი ნანა ჩინჩილაკაშვილი.

საქართველოს გარემოს დაცვისა და სოფლის მეურნეობის სამინისტროს მიერ, ელექტრონული ფორმით საჯარო ინფორმაციის მოთხოვნის წარმოდგენა უზრუნველყოფილია სამინისტროს ელექტრონული პორტალის მეშვეობით (<http://mepa.gov.ge/Ge/SubscribePublicInfo>), საქართველოს „ზოგადი ადმინისტრაციული კოდექსი“-სა და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს N219 დადგენილების მოთხოვნათა შესაბამისად.

საანგარიშო პერიოდში, „საქართველოს ზოგადი ადმინისტრაციული კოდექსის“ მესამე თავის შესაბამისად, სამინისტროს, საჯარო ინფორმაციის გაცემის მოთხოვნით მომართა 239 განმცხადებელმა.

საქართველოს გარემოს დაცვისა და სოფლის მეურნეობის სამინისტროში შემოსული 239 განცხადებიდან:

- 93 შემთხვევაში, დაინტერესებული პირი იყო ფიზიკური პირი;
- 142 შემთხვევაში, დაინტერესებული პირი იყო იურიდიული პირი, მათ შორის:

9 შემთხვევაში, განმცხადებელი იყო სამეწარმეო იურიდიული პირი, 113 შემთხვევაში არასამეწარმეო იურიდიული პირი, ხოლო 20 შემთხვევაში-სხვადასხვა მედია საშუალება;

- 4 შემთხვევაში, საჯარო ინფორმაციის გაცემის მოთხოვნით, სამინისტროს მომართეს სახელმწიფო უწყებებმა.

საჯარო ინფორმაციის გაცემაზე პასუხისმგებელი პირის მიერ, რეაგირება განხორციელდა ყველა განცხადებაზე. კანონის მოთხოვნათა შესაბამისად:

- სრულად დაკმაყოფილდა 209 განცხადება;
- ინფორმაცია ნაწილობრივ გაიცა 6 განცხადებაზე;
- უარი ინფორმაციის გაცემაზე ეთქვა 1 განმცხადებელს;
- 13 განცხადება კომპეტენციის ფარგლებში განსახილველად გადაეგზავნა შესაბამის უწყებას;
- 10 განცხადებაზე მიმდინარეობს წარმოება.

საჯარო ინფორმაციაში შესწორების შეტანის თაობაზე სამინისტროში განცხადება არ შემოსულა.

4 შემთხვევაში, განმცხადებლის მოთხოვნის შესაბამისად, ინფორმაცია ნაწილობრივად გაიცა იმ საფუძველით, რომ მოთხოვნილი ინფორმაციის ნაწილი წარმოადგენდა პერსონალურ ინფორმაციას, მოთხოვნილი ინფორმაცია იყო ბუნდოვანი და დასაზუსტებელი, შეიცავდა კონფიდენციალურ ინფორმაციას, 1 შემთხვევაში კი, ვინაიდან ინფორმაცია იყო მოცულობითი, განმცხადებელს გაეგზავნა მოთხოვნილი ინფორმაციის ნაწილი და ეცნობა, რომ ინფორმაცია დამატებით გაეგზავნება დამუშავებისთანავე.

საჯარო ინფორმაციის მოთხოვნის განცხადებაზე პასუხის ნაწილობრივად გაცემისას, პასუხისმგებელი პირი ეყრდნობოდა საქართველოს კონსტიტუციას, „პერსონალურ მონაცემთა დაცვის შესახებ“ საქართველოს კანონს და საქართველოს ზოგად ადმინისტრაციულ კოდექსს.

საჯარო ინფორმაციის გაცემაზე უარი, განმცხადებელს 1 შემთხვევაში ეთქვა იმ საფუძველით, რომ ინფორმაცია, სამინისტროში არ მუშავდებოდა იმ სახით, რა ფორმითაც ითხოვდა მას განმცხადებელი.

უარი საჯარო ინფორმაციის გაცემაზე ადმინისტრაციული წესით გასაჩივრდა სამინისტროში. ჩატარდა ადმინისტრაციული წარმოება საჩივრის წარმდგენის მონაწილეობით. შედეგად, ადმინისტრაციული საჩივარი დაკმაყოფილდა.

13 შემთხვევაში, სხვა უწყებაში განცხადების გადაგზავნის საფუძველს წარმოადგენდა ის ფაქტი, რომ საჯარო ინფორმაციის მოთხოვნის შესახებ განცხადება არ ექვემდებარებოდა სამინისტროს კომპეტენციის ფარგლებში განხილვას. შედეგად, კანონის მოთხოვნათა სრული დაცვით, „საქართველოს ზოგადი ადმინისტრაციული კოდექსის“ მე-80 მუხლის საფუძველზე, განცხადებები განსახილველად გადაეგზავნა შესაბამის სახელმწიფო უწყებებს. აღნიშნულის შესახებ კი ინფორმაცია ეცნობათ განმცხადებლებს.

უნდა აღინიშნოს, რომ სამინისტროში შემოსული განცხადებები ხშირ შემთხვევაში შეიცავდა ერთდროულად რამდენიმე მოთხოვნას. საქართველოს გარემოს დაცვისა და სოფლის მეურნეობის სამინისტრო არ წარმოადგენს კოლეგიურ საჯარო დაწესებულებას.

შესაბამისად, სხდომის დახურვის შესახებ გადაწყვეტილებები არ არის მიღებული საანგარიშო პერიოდში.

სამინისტროს ცენტრალური აპარატის ცალკეული სტრუქტურული ერთეულები, მათთვის დებულებით დაკისრებული საჯარო უფლებამოსილების ფარგლებში ახორციელებენ პერსონალური მონაცემების შეგროვებას, დამუშავებას და შენახვას. უწყებაში პერსონალური მონაცემები დაცულია, როგორც ელექტრონული, ისე მატერიალური სახით.

საქართველოს გარემოს დაცვისა და სოფლის მეურნეობის სამინისტროს დოკუმენტბრუნვის ელექტრონულ სისტემაში (edoc) ინახება ელექტრონული ფორმით არსებული პერსონალური მონაცემები, რომლებსაც განმცხადებელი უთითებს მის მიერ წარმოდგენილ განცხადებაში. აღნიშნულ მონაცემებზე წვდომა აქვთ მხოლოდ იმ პირებს, რომლებსაც, მათი სამსახურებრივი საქმიანობიდან გამომდინარე, მინიჭებული აქვთ ამგვარი მონაცემების დამუშავების და შეგროვების უფლებამოსილება. დოკუმენტბრუნვის ელექტრონულ სისტემაში არსებული პერსონალური მონაცემების უსაფრთხოება უზრუნველყოფილია შესაბამისი ინფორმაციულ-ტექნოლოგიური საშუალებებით, რაც გამორიცხავს არაუფლებამოსილი პირებისთვის პერსონალურ მონაცემებზე წვდომას.

სამინისტროს მიერ პერსონალური მონაცემების შეგროვებასთან, დამუშავებასთან, შენახვასა და გადაცემასთან დაკავშირებული წარმოება ხორციელდება „პერსონალურ მონაცემთა დაცვის შესახებ“ საქართველოს კანონისა და „საქართველოს ზოგადი ადმინისტრაციული კოდექსის“ მე-3 თავის მოთხოვნათა შესაბამისად.

2020 წლის საანგარიშო პერიოდში, სამინისტროს საჯარო მოსამსახურეთა მიერ „საქართველოს ზოგადი ადმინისტრაციული კოდექსით“ დადგენილი მოთხოვნები არ დარღვეულა და პასუხისმგებელ პირებს შესაბამისი დისციპლინური სახდელი არ შეფარდებია.

პატივისცემით,

ლევან დავითაშვილი



მინისტრი

